

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدر .

نسخه سی ۷۰۵ غروشدر .
سنه لکی ۵۰ عدددر .

اداره خانه : باب عالی جاده سنده
رشید افندی خائنده

اخطارات

آبونه بدلی پشیندر .

مسئله موافق آثار مع المنونیه
قبول اولنور . درج ایدله بن
یازیلر اعاده اولنماز .

والله یهدی من یشاءالی صراط مستقیم

تذکره

۱۳۳۰

صاحب و مدیر
اشرف ادیب

باش محرر
محمد کاکف

آدره من تبدیلنده آریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
غراسزجه یازلسی رجا اولنور .

پاره کوندردلیکی زمان نهیه
دائر اولدیقی بیلدیرلسی
رجا اولنور

اتبعون اهدکم سبیل الرشاد

دکشدیریلک ایسته نیلمسنه قارشى مدافمانده بولونمقدن باشقه برشى دکادر. حق بوکى مسائل سیاسیه علاقه دار اولق شائبه سنى آلنجه آندن ده سبيل الرشاد کف لسان ایتشدرد. وطن ایدیورز که سبيل الرشادک لسانی، بوکون الکسربست مملکتلرده دینی مجموعهلرک ایفا ایدم کادکارى وظیفه وقوللانقلرى لساندن پک خفیدرد. بو قدر یومی غزته لر وموقوت مجموعهلر میاننده اساسات دینیه واساسات اخلاقیه یی محافظه ایدم جک بالکیز بر مجموعهلک انتشارینه تحمل ایدیله مه مک ، الک کشف ، الک قویو بر تعصب نمونه سندن باشقه برشى دکادر .

سبيل الرشادک نشر ومدافعه ایتدیکی اساسات ، ملت مزاجیون ، بلکه بوتون بیشریت ایچون محض فلاح وسعادت اولان مسلمانلق اساسلریدر. خرافات علیهنده سبيل الرشادک نه قدر نشر یاتده بولونمش اولدینی عجباً بیلمه میورمی ؟ بزء تجدد وترقیمز ایچون مسلمانلغک الک مهم بر سائق ، الک مهم بر عامل اولدینه تامیله قانع بولونیورز. مسلمانلغک محض خیر وسعادت اولدینه ایمان ایتک تمصب میدرد ؟ اگر تعصب بو ایمان ایسه سبيل الرشاد بونکله افتخار ایدر . سبيل الرشادک علیهنده بولونمق ایسته یئر لطفاً نشر یا تمزی تدقیق ایدرک هانکی خرافه نلک آرقه سندن کیتمک ایسته دیکمزی ، مملکتته سعادت ماده تأمین ایدم جک هانکی ترقی وتکاملک علیهنده بولوندیغمزی ارانه ایملری اقتضا ایدر. خلاف حقیقت اسنادات ایله تغلیط افکاردن نه چیقار ؟ له الحمد ملت مز حق ایله باطلی سچه بیله جک برسوبه ده در .

بنیه ملیمزی تهدید ایتمکده اولان بر طاقم امراض اجتماعیه یی تشریح ایله ماتى ضلاله دوشمکدن وقایه ، ملتى سوق هر مسلمان ایچون الک متحتم بروظیفه در. بو اعتبارله سبيل الرشاد عهد سینه دوشن وظیفه ارشاده یی ایفا ایله کندینی مکلف عد ایتمکده در . ضلالتی هدایت شکنده کوسترمک هیچ بر زمان سبيل الرشادک یایه بیله جکی برشى دکادر. بارلر ، بالولر ، دانسلر ، دها بو قییل مناسب سز لکلر ملت مز ایچون اصلا موجب فلاح شیلر اوله ماز . خلقی بونلردن تحذیر ایتیه یی موجب مؤاخذه عد ایتک . بنیان ملینک انهدامنه رضا کوسترمکدن باشقه برشمیدر ؟ کندى قصور لرینی باشقه لرینه بوکله مک قالدیشمق قدر انصاف سزلق اوله ماز. سجایای انسانیه نلک الک بوکسکی انصاف ومروتدر .

ملتک ایسته دیکی مجرد و رشی

بوزغاد (بوز اوق) مبعوثی احمد حمدی بک اقشام غزته سینه کوندردیکی بر مکتوبک صوک فقره سنده دیورکه :

« خاتمه مقال اوله رق تکرار مرض ایدم رم که بوتون ملت بلا استثنا وسراپا تجدد وترقیه تشنه در ؛ فقط تجدد وترقیه یی زوجک زوجه سیله ، هر هانکی بر اذککله بارلرده قول قوله دالس ایتمی ، قادینلرک تیاترو صحنه سنده کوبک

۶۷) یتملرک نسبلرینی ، دینلرینی ضایع ایتمه مک ایچون نسبلری ، اسملری ذفترله قید اولنوب نسبلری ، اسملری ، سنلری ، تربیه یوردلری دینیه نظارتنه بیلدیریلیر ، ایتم دفترینه قید ایدیلیر .

۶۸) اسلام تورک چوقملرینی ملی ، دینی تربیه دن محروم ایتمه مک ایچون ایتم تربیه یوردلرینه مسلمان مدیرلر ، مسلمان مریدلر تعیین قیلنیر .

حقیقتک اوکته برده یکلمه بر قالدیشماملیر

مقدسات علیهنده وقوع بولان نشر یاتنه قارشى قانونک تطبیقنه دائر بوز اوق مبعوثی حمدی بک طرفندن ویریلان تقریر اوزرینه مجلسده جریان ایدن مذاکرات ، بعض مبعوثلر طرفندن ایراد اولونان نطقلر مناسبیله بولی مبعوثی فالح رفقی بکک اقشام غزته سنده بر قاج مقاله سی انتشار ایتدی . بو مقاله لرده « سبيل الرشاد » دن ده بحث ایدلایکی کورولدی . ملت مجلسی کرسی سنده سوبله نیلن وشایان تنقید کورولن سوزلردن ناصیل بر تداعی افکار ایله سبيل الرشاد کچیلدیکنی حیرته تلقی ایتمه مک ممکن دکادر . « مقدسات دینیه وعظمت اسلامیه ... مقدمه سی » ایله سوزده باشلایان ، « شهرت ونفوذی هر هانکی برسبیلله افلاس ایدن تورک پولتیقه جیلرینک نطقلری » نه جواب ویرمک لازم ایسه بونکیری اولنطقلرک ایراد اولوندینی ملت کرسی سیدر . اولنطقلر ایراد اولونورکن صاحب مقاله ده اوراده حاضر ایدی ؛ « شهرت ونفوذلری افلاس ایدن تورک پولتیقه جیلری » کیلمرسه اولره قارشى جواب ویره بیلیردی . اوراده سکوت ایدوب ده بویله شیلرله هیچ علاقه سی اولمایان سبيل الرشاد هجوم ایتک انصاف سزلق دکیدر ؟

میدانده اولان نشر یا تمزله ثابت اولدینی وجهله ، اساساً مسائل سیاسیه ایله اشتغال ایتمین سبيل الرشاد ، هیچ بر زمان دینه استناد ایدرک حکومت مزک سیاستی تنقید ایتمه مش ، هیچ بر زمان خلقک حسیاتی تحریک ایدرک حکومت علیهنده بر وضعیت احداث ایدم جک بر اصول تعقیب ایتمه مشدر . بالعکس ، کرک بحرانی زمانلرده ، حیات وماتله مجادله ایتدیکمز آنلرده ، کرک آنی تعقیب ایدن کونلرده خلقده بویله فکرک حصولنه مانع اولق ایچون آلدن کلدیکی قدر چالیشمشدر . سبيل الرشادک مجادله ملیه در کی خدمات ناچیزانه سنی بوراده خاطر لایمه یه حاجت کورمه یز . چونکه آناطولینک مختلف قصبه لرنده نشر اولنان نسخلری و بیاناملری وبونلرک مسلمانلری اوزرنده کی تأثیرات حسنه سی هر کسجه معلومدر . سبيل الرشاد ، بویوک ملت مجلس مزک ایلیک تشکلی آندن بوکونه قدر دائما اولنک خدمات دینیه و وطنیه سندن بحث ایتمش ، خلقک مجلسه وحکومت قارشى محبتی استجلایه چالیشمشدر . بزماوته دن بری نشر یا تمز ، دینه وقوع بولان هجوملره ومملکت مزده اخلاق تلقیلرینک

آئینی ، دیندن ، ناموسدن تجردله یالکز بهیمیتی تطمین ایدہجک افلاک
 مباح عد ایدیلیمی کی شناخت و افسادات اولقی اوزره قبول ایتمور و بوکاتجدد
 دکل ، تردی دیور . تجدد و ترقینک عسک علمی ، فنی ، صنعتی اخذوتلق
 ائنگ صورتیلہ حاصل اولہجفنه قناعتی واردر .

امین و مطہشم کہ مطبوعاتده ملثلہ بویله ہم فکر و متفقدر . عکسنی
 ملاحظہ متصور دکلدر . ہیمنک اولدیننی کی مطبوعاتکده غایہ وهدنی بوکجدد
 و بوترقیی تأمیندن عبارت اولالیدر . یوقسه مقدسات دینہ و حیثیتشخصیہ ،
 شرف ملیہ تجاوز ایتمیرمکہ جمهوریتیزک قانونی مساعده دکلدر . بناءہلیہ
 سرلوحہکزی اکال ایدیورم : یا بو دوهنی کوتلی ، یا بو دیاردن کیتلی . *

* *

مسلمانن و غرب

(مورنینغ پوست) غزتهسنک ع شباط تاریخی نسیخہسنده
 اوکوندیغنه کوره (لوندره) جماعت اسلامیهسی ، مصرک (لوندره)
 سفیری عزیز عزت پاشانک شرقہ (ووکینغ) جامع شریفندہ براحتفال
 زینب ایتش و بو احتفالده انگلیز ، ہندی ، ایرانی ، افغان ، عرب ،
 زنجی ، المان ، مجار و مصرلی برچوق ذوات بولومشدر .

انگلیز مسلمانلردن لورد (ہمدلی) ایراد ایتدیکی نطقده ، مصرک
 (لوندره) سفیری عزیز عزت پاشانی انگلترہده کی مسلمانلرک اک صمیمی
 حسیات اخوت ایله قارشیلادقلرینی سویلہ مشدی . عزیز عزت پاشا
 لشکراتی تقدیم ایتدکن صوکرہ (ووکینغ) جامع شریفنی تأسیس
 ایدنلری مدح و ثنا ایتش و دیدمشدرکہ :

« — آرزومز غرب ملتلی ایله مساوات تامہیہ نائل اولمقدر . فقط
 غربک علومنی آلہ بیلیمک ایچون جدیدہ چالیشمالی یز . برچوق سنہل غرب ، علوم
 مادہ ساحہسنده استادمز اولاجق ایسدهہ بزمده معنویات ساحہسنده غربہ
 اوکرہتہجک برشبتمز اولدیننی ادعا ایدہیلیرز . اسلام مدنیتلرینک تاریخی غرب
 دارالفنونلرنده ، حال حاضرده اولدیندن اہتا ایله تدقیقہ دکہجکنہ معتقدز .
 دین اسلام ، دنیاک اک معظم اخلاق و روحانی قوتلردن بریدر . بو قوت
 السائق اوغورندہ قوللاندیننی تقدیرده آتجق اک یوسکله ایلکالردہ
 ایدیلیر . »

* *

دیہ نہ بوکونق قونمہ ا

لیلہ رغائب مناسبتیلہ علی حیدر امیر بک طرفدن وقت غزتهسنده
 نشر اولونان مقالہدن :

دین ، یالکز بزم دکل ، بوتون مدنی ملتلرک کیتدجکہ داہا قوتلی رابطہزلہ
 باغلاندقلری بر اساس ، کیتدجکہ داہا وجدانی برتہالکله کولنکسنہ صیفندقلری
 بر الہی بایراقدر . بیکارجہ بیلدنبری یایدیننی تجربہزلہ بشریت آکلامشدرکہ
 دینسز یاشامق قابل اولایور و ثروت و شوکتک بلند پایلرینہ ایریشلسہ بیلہ
 وجدانلرک قاراردیننی کوندن اعتباراً ملت ایچین انقراض تحقق ایدیور . تاریخک
 ہر دورندہ کورولدیکی کی ، عصر حاضرکده اک زنکین ، اک قوی واک مترق
 ملتلی ، اساسات دینہسنہ صیمصیق صاریلان ملتلردر . . . کوزیمزی وکوکلزی
 ایہیتان او جاودانی حقیقتک قارشینسندہ بیک برتلدن قویاردیغمز اوایلانہدر ؟
 مادامکہ بن ، ذوق ویا نفعی اوقشایان بر جرملہ باش باشہ قالتی فرصتی

بولیورم و بو فرصت دقیقہلرنده قانونک نظرندن قورتولویور و عامہنک حکمیلہ
 مایمنہ طالبمدن بر دیوار چکییورم . . مادامکہ بن ، وظیفہمک منتهی اولدیننی
 فداکارلغہ وظیفہمی ایفا ایتمہدنہ کیدہ بیلور و حقیقی فداکارلر زمرہسیلہ ہم
 عیار اولیورم . . مادامکہ بری خصوصی ، دیکری عمومی ایکی ماسکہ قوللانہرق
 بونلری ماہرانہ دکیشدیرمک سایہسنده ایکی مستقل و متباین حیات یاشایایلیورم . . .
 ہانکی تشکیلاتدرکہ بی صورتا مفید ، لکن حقیقتدہ منسوب اولدینر جمیتہ
 اک مضر برعضو اولمقدنہی ایدہ بیلیر ؟ ہانکی قانوندرہ ، کینسہیہ سزدرمہدن
 آخرک حقنہ تجاوز امکاتنی بولدینم وقت بکا قارشی فطایتہ کجہ بیلیر ؟ ہانکی
 قوتدرکہ بنی وظیفہمدہ آتشلرہ ، اولوملرہ ، آتشدن و اولومدن مخوف
 فداکارلرہ ، ریاسز و حیلہسز صوفہ بیلیر ؟ عجبا یالکز ذکا و شیطنتمہ قارشی
 حرکت ایتک اوزرہ موضوع اولان مدونات حقوقیہ کایمیدر ؟ عجبا شخصی
 حدودیمک ایچندہ بر باشقہ سائق موجود دکلیدرکہ کندیہ مخصوص احکام
 و دستاویز ایله باغلانمقہ مستعد اولماسون ؟ ہیچ برقوتک وجدانیاتہ مداخلہ
 ایدہمیہجکی فرض اولونان بو عصرده ، وجدانیاتی آووچنک ایچندہ طوتان
 بویوک ، قادر ، جیرونی برقوت واردر ، بوقوت اہمالہ ، استخفافہ لایق دکلدر ؛
 بالعکس اونک شریکمز و نظیرسز اولان نفوذوشمولدن استفادہ ایدیلہلیدر .
 شرقدن غربہ کچمک ، علی المیسا ادعا ایدلیدیکی کی ، وجدان باغلرینی چوزمک
 دکیل ، وجدانہ بو واسطہ ایله غریزیاتہ حاکم اولان او معنوی قدرتی
 عصریشدیرمک دیکلدر .

اسلامک طائیتدیننی اللہ ، صانع کائنات اولان کبریاک کندیسی دروزات
 بارینک رسالت احمدی ایلہ بزم کوندردیکی دین ، ادیان سالنہ ، موجودہ
 و مستقبلہنک شکل متکاملیدر . اساساتہ تمسک ایتدیکن تقدیردہ ، بقاعالمی
 خارج از بحث برافہیم ، فقط طویراغک اوستندہ اک دینچ واک صاغلام افراددن
 متشکل برملت حالنہ کلہجکمز شہہسزدر .

دانس ایترسی

آکلاشیلان مملکتمزہ یالکز غربک مساویسی بر طوفان استیلا
 کی آقوب طورہجق ، غربدہ ہزدرو مجادلہ ایلہ قارشیلانان اجتماعی
 مرضلر بلا قید و شرط مملکتمزہ کیرہجک ، وایستہدیکی کی اجرای
 تخریبات ایدہجک !

نہ غریب ونہ فجیع بر حالدرکہ برعلت اخلاقیہ ، بر مصیبت اجتماعیہ
 ایلہ مجادلہ واونک استیصالنی امید ایدیورکن یکی بر مصیبتلہ قارشیلانہ
 شیور ، بونلرہ قارشی توحید مجادلہ ایدیورکن بر باشقہ آفت دہا
 اوکمزہ دیکیلیور . بوضورتلہ ہنوز برینی احما ایتمدن ، ہنوز برندن
 قورتولمہدن برسور و بجاعتلر ، فلاکتلر قارشینسندہ قالیورز .

بالخاصہ بوتون بوسیل مصیبتک عاللہ ارجاعمزی ، یعنی موجودیتیزک
 تملنی استہداف ایتہسی و بو تملی بیقیمہی یکانہ امل ایدنہسی بزی
 چوق قورقوتیور . عاللہ ارجاعمزی بیقیمق ، عاللہ حیاتیازی اولدیرمک
 ایچون اطرافمزی اولیلہ بر طفیلیات محشری صارمشدرکہ بونلری احما
 ایدوبدہ حیاتیازی قورتارمقہ موفق اولمق زیادہ سیلہ کسب نراکت ایدن
 برایش اولدی . بو امراض اجتماعیہ کون کچدکجہ صولتی آرتدیرییور